


福清縣志

310-21
32
:1-6



康熙壬子年重修

福清縣志

部文奉授梓

康熙壬子年重修

福清縣志

部文奉授梓

福清縣舊志序



夏禹貢周職方氏志始也
王會三輔爲圖方輿寰宇
輿地代且數家續之迨

皇明一統志始備焉夫志
亦國之史也夫子悼杞宋
序

之無徵由文獻之不足則
夫一邑之志政治之得失
官師之淑慝後煩簡而民
疾苦于是乎徵其亦未可
忽也福清爲七閩地自宋
建隆歷于今五百有餘年

矣其更延因革簡編紀載
希濶寥寂宋先賢林亦之
黃鏗著有玉融志已漸滅
無傳嘉靖癸巳冬適大叅
龍山陳公分守邁宏路諭
邑令朱君冕曰福清巨邑

序

二

志以稽文獻宜乘時舉之
令以有志未遑對公曰攷
覽山川表章文物守土者
之責也其可曰簿書之不
閑而缺於訓方之簡諭令
以蕭寒谷林先生文章氣

節立言足徵盍請董厥成
令奉命惟謹謀之司訓方
君俶黃君陞槩邑庠諸生
僉忻然從事遂命邑丞周
澗往請于甲午閏二月寒
谷公至玉融寓聖蹟寺始

序

三

事斯役旁搜窮討揆天道
質人情叅古證今鴻纖畢
舉歷六十四日而志成爲
卷有十于建置疆域知其
勝于城市風俗知其通于
戶口貢賦知其核于物產

水泉知其利于兵防政典
知其密于宦績人文知其
勸于廟制秩祀知其正于
仙釋禱志知其變嚴而公
約而盡質而不浮其間有
升落去取而默寓激勸歆

序

四

發合政與化而聯綴協偶
之其固有史之義歟寒谷
學正而識精吾固知其言
之足以資後無疑也嗣是
而生于斯官于斯者因之
而監觀興起以爲程身治

人之法其于政化豈小補哉然則是志也官之規民之鑑而于今

聖謨神化寔有攸助焉豈僅一邑之史已耶故不辭而爲之序

序

五


嘉靖甲午仲夏之吉

賜進士第前通議大夫兵部右侍郎兼都察院右僉都御史奉

勅提督兩廣軍務兼理巡

中省吾林富撰

序



六

福清縣志序

福清海上之巖邑也其幅員之廣戶口之蕃章縫之衆賦稅之贏蓋閩中罕儔焉勝國之時為州至

序

一

明乃為縣舊有志久已漫滅闕而不脩者將百年一二縉紳者宿如屏陽周公輩慨文獻之無徵稍經羅舊聞採摭近事草具藁本

而潤色未遑諏訂尚闕及
今又數十年矣輜軒之使
長民之吏無從考故實而
察民風甚以為病即百年
來官師之治績賢士夫之

序

二

行業閨媛壺嫫之貞標率
湮沒弗彰邑之人亦胥慨
焉屢謀脩闕事而莫有任
者今令尹闈生王侯初下
車即問志於是不可得欲

以屬余余謝不敏而侯亦
拮据他務未暇及且以余
將應
召命遂不復言其後知余
無出山意迺申前請又延

序

三

博士柯君鳳瀛林君東光
鄉紳廣文林君宏簡使董
其役以陳茂才紹祖中丞
公之孫博學多藏書有舊
志數種使任纂集余雖不

敢辭而未幾以
上命歎促不得已行僅具
城池人物烈女武功數款
其他皆候成之余既自愧
不能終候之命而又深幸

序

四

百餘年來邑人之所經營
盼望欲舉而未能者一旦
而勒為成書徵往詔來是
亦此邦不朽之盛事也往
余為史官獲覩金匱石室

之藏嘗欲裒集

國家大政事大興革分類
論著以昭示來茲而竟以
懶廢比退而田居復欲博
搜一邑之奇聞異行閭沕

序

五

弗彰者著為里史而亦未
能就蓋余之有肩於史職
多矣乃侯簿書期會倥傯
日不暇給之時而福神於
茲又去

內召入計之期甚近此其
意豈尋常俗吏所能窺哉
天下事通塞顯晦各乘其
時吾邑在漢無聞於職方
至唐人文稍著宋則彬

序

六

明遂蔚然為榷梓之鄧林
瑤環之縣圃矣卽山川之
竒麗鴻濛以來所未闕者
今皆赫矣改觀擬於蓬丘
瓊島而又得賢令爲之鼓

舞表章士類奮興山林生
色此亦千載休明之一時
已惟是生聚日繁習尚漸
靡逋賦喜訟之風閉於四
境以為長吏憂而又鯨波

序

七

時泝戎備日隳綠林潢池
藏奸伏慝按籍而徵利害
得失之故較若列眉凡居
是邦與有職於茲土者其
亦可以警矣侯之所為悽

倦或在此歟侯徒自崇安
在吾邑僅兩歲餘百廢具
興比歲大穰擬為畏壘他
日死有紀循吏而祝康樂
者余敬以茲志為權輿焉

序

八

省

萬曆己未吉旦

賜進士出身光祿大夫柱
國少師兼太子太師吏
部尚書建極殿大學士

知

經筵

日講

制誥

予告存潤奉

詔特起邑人葉向高撰

序

九

